

民國二十五年十月

交通史電波編

俞飛鵬署



交通史電政編

第五章 涉外事項

第一節 對英交涉

第一款 禁止設綫

同治二年五月二十三日英國駐華公使卜魯士 W. A. Bruce 因英人比色波聞俄國電綫將設至恰克圖擬在恰克圖敷設電綫與俄綫相接並擬設至北京及東南沿海各埠特照會總理各國事務大臣經復以此事與上年俄國把大臣所議相同諸多滯礙希轉飭居民勿庸辦理

同治四年上海英領事巴夏禮請由川沙廳海邊設立電綫至上海經江蘇巡撫李鴻章督同海關道以沿途官民難代保護力拒絕之是年五月（二十八等日）英商利富洋行並不知照地方官擅在川沙之頭二圖及十二圖上海之二十四圖及四十八圖等處豎立木桿懸掛鐵綫該地鄉民因此項桿綫至關風水乘其夜間停工之時將所設桿綫盡行拆毀計拔去已立木桿二百二十七根未設立之木桿亦被藏匿利富洋行稟由上海代理英領事馬安向江海關道丁日昌交涉請嚴查追辦鄉民等亦紛向川沙廳請求禁止外人設綫並謂某姓已受風水之障礙無端暴病而亡要求洋行償命關道以外人在中國內設立電綫為條約所無利富洋行私自設立有違民情實屬咎由自取英領事則以條約內雖無規定亦無禁止之明文仍請准其復造關道駁以凡條約所未載之事即為不准行之事不允其復造僅許行查馬代領事又續來照會要求釐清地方官民賠償造價二千餘兩並詢問可否准其續造關道復稱本道前奉通商大臣轉總理衙門函開所有沿海內地俱不准設立電綫致與風水民生有礙今浦東至川沙係屬內地本道自不能不遵照通商大臣飭行辦理至於

中外交涉事件凡載在條約者均可通行其條約所不載之事即屬所不准行之事諒貴領事熟諳條約無從贅陳前行照會當行臨縣查復茲據川沙廳何丞上海縣王令稟稱遵即派差協同地保謹密防查去後茲據差保以詢據來往鄉民云稱前月二十九等日日間見有豎起木柱次日早晨經過該處即見木在地下等語想係該鄉民因有礙風水農田於夜間拔去但不知何人所拔無從查問其未經豎立之柱亦查無被竊情事查復前來現已勒令該地保將地下遺存木柱檢齊交還正在奉復間即據各圖鄉民聯絡呈稱以外國人擅在內地設立木柱之後致與風水有礙近日百姓竟有無故暴病死亡衆情洶湧稟求申請憲台照會外國領事查係何國商人所造飭令償命稟祈鑒核辦理等情各到道本道查百姓無端暴病死亡固由利富行建設木柱傷害風水作此損人利己之事所致但究無有心致死償命一層應毋庸議惟此事利富行並不稟由貴領事照會到道由道轉稟通商大臣批示輒敢擅自設立電綫非特顯背條約亦且藐視貴國官憲爲不足輕重應如何責向利富行擅專之錯自應由貴領事酌量辦理至鄉民即因木柱於風水農田有礙亦應稟明地方官方可拔去乃因利富行擅私自設輒以效尤擅自私拔雖屬情迫亦於理有未合自應由本道密訪示懲至貴領事照會請再加詳察可否准其復造仍候酌奪等語足見貴領事和衷共濟遇事熟商殊深欽佩但本道無此准造之權惟有據情稟明通商大臣核奪是否准駁再行照復等語去後復經通商大臣李鴻章飭知滬道照會英領事此案應各自迅速完結勿任糾纏致拂民心而滋事端嗣後凡有似此妄求務即一概嚴禁不得稍存假借致違條約准否復造之語不得再行續陳此案於是遂告結束

第二款 滬港海綫

同治七年總理各國通商事務衙門與英國駐京公使議修通商條約英使阿禮國即請安設電綫以利交通當時擬設立陸路電綫總署駁詞拒之於是改議安設海底電綫總署亦未之允九年三月三十日英國公使威妥瑪 Thomas Wade 以

英商東方電報公司 Eastern Telegraph Company 已由英國設置海底電綫經大西洋地中海紅海及印度洋而達印度並已另組大東電報公司 The Eastern Extension Australasia and China Telegraph Company Limited. 由印度南境引伸該綫經檳榔嶼新加坡及越南西貢等處接至香港擬由香港起沿海設綫經汕頭廈門福州甯波而至上海函商總理各國事務大臣恭親王謂向有欲於貴國照辦通綫之議數年以前所論者俱係陸地明設倘願布置須先買地基既須地主相讓尙須貴國准辦方可興造此次所商係由沿海水底暗設不過僅有綫端一頭在通商口岸洋房屋內安放與從前所論迥不相同諒貴親王自必洞澈此理抑思綫端若非必須上岸此事始終可以無庸置議惟因沿海洋商蓋房居住之地雖係承租究係貴國內地未經達明貴親王不便即准遽行安置等語並極言設綫後之利便恭親王因外人在海底設綫恐中國無法禁止不如准其在海底安放惟對於引綫上陸一層竭力駁復四月初七日函復英使威妥瑪

附恭親王復英使威妥瑪函

所有英商請由廣州汕頭廈門福州甯波各通商海口水底通綫通至上海一事前寶大臣與李爵赴貴國面談時竟謂此次所商辦法係由海底暗設與前數年所議者在陸路明設之說迥不相同似覺無甚關礙尙可會商迨接貴大臣來函謂必欲牽引綫端進埠口在通商口岸洋行屋內安設並如有損傷宜行知地方官查拿懲辦按照條約保全英民財產之議等因始知關礙甚多弊難盡述微論此端一開各國必援此爲例紛紛請辦礙難阻止即就沿海內洋而論盜匪出沒損傷通綫勢所必有地方官無從拿辦已屬可虞尤難防者洋行房屋距海口遙遠必有華民因其不利於己設計暗爲損壞洋商所難步步派人看守中國卽萬難處處設法保護何者英民財產係在商民輻輳之區尙難保全通綫懸於曠野空虛之地萬難照料尙有不虞礙難查拿追賠是通綫一事始雖似於洋商有益將來必爲奸人所壞巨款虛拋反於洋商有損彼時地方官斷不任咎本衙門亦覺不安此所以礙難商辦也倘英商必欲於海底設立貴大臣實有難以喻止之處則中國沿海內洋亦可聽其在水底安放惟綫端仍不得上岸俾與通商口岸斷斷

不相干涉庶界限分明或可免生纏轢來函云若有意外爲難之處該局亦可離口另設別法是此中爲難情形貴大臣早已諒及不待本爵再爲縷述

於是英使對於引綫上陸一層亦不堅持惟函內追賠字樣嗣經英使之請改爲追賠修費字樣中國並聲明英商通綫設至上海爲止係在內洋海中水底安設其安設綫端船隻自必在沿海埠內向來停泊各洋船碼頭之外近海所停泊以示限制五月總署入奏初七日奉上諭總理各國事務衙門奏英國使臣威妥瑪請於沿海水底暗設通綫謹將辯論各節據實密陳一摺洋人以貿易爲本時慮中國舟車遲滯欲以外國之銅綫諸法試行於中國上年議修英約時英國使臣阿禮國即以此事屢次瀆請均經總理各國事務王大臣嚴詞峻拒見在該國使臣威妥瑪復請由廣州汕頭廈門福州甯波各海口水底暗設銅綫通至上海並稱前議通綫之法俱係陸路明設此次係在海底暗設其綫端一頭在船隻內安放即在灣船埠口海面停泊與從前所論迥殊似與中國毫無虧損等語該衙門見將沿海水底暗設數字揭清該使聲稱安綫之處如有民人損傷地方官無須追償修費已由該使轉飭局商遵辦著南北洋通商大臣暨沿海各督撫飭各關道地方官嚴密稽查遇有洋人安設銅綫之處止准在沿海洋面水底其綫端止准在船隻內安設即在沿海埠口向來停泊各洋船碼頭之外近海處所停泊黨有將綫端率引上岸不遵定章辦理者即照會領事官立時查禁以杜流弊而絕效尤將此由六百里諭馬新貽瑞麟英桂丁日昌丁寶楨卞寶第李福泰崇厚並傳諭楊昌濬知之

同治十年四月十六日大東公司印度香港間海綫接通收發電報

光緒七年吳俊威妥瑪向總署請由香港設綫以達粵省十二月總署函達北洋大臣李鴻章以同治九年已允英商由香港至各口在水底設綫勢難自翻前案至海綫引端上岸丹國既未遵駁似不能不准英商通融與辦擬仍聲明此係因香港至粵省丹國未設水綫尚可酌允若丹國已設電綫之處即未便援照辦鴻章復函謂同治九年春間鈞署與英使議允各節敝處先未聞知因創辦由津至滬電報丹國大北公司竭誠幫助援照西國公法及俄法日與丹公司已立合同成案

姑批准該公司所稟以資聯絡而伸我自主之權且緣丹係小國其人尙易駕馭俾爲我用然該公司求立合同則未之許也咸使十月在津屢索閱丹公司稟稿鴻章以此事於英國無干未便給閱該使復面言同治九年曾以英人設綫事諄求總署但允在水底安放綫端不得上岸英商遂遲疑未辦乃丹公司先我著鞭至今英國官商咸懷怨悔今欲由香港設水綫至粵省是否可行鴻章告以同治九年既在總署商准敝處實未與聞亦不敢遽定可否至香港係英國屬境海面係各國公共之地若欲添設水綫自無勸阻之理至粵省上岸則應由總署與廣東督撫主政矣茲蒙垂詢似可照鈞旨所擬辦法通融酌允惟陸路電綫必須由中國自設無論何國斷不得攙越一步咸使函內云或由澳門曲達廣東或海底或陸路語多含混澳門非英國所屬似不准其繞越陸路尤非他國所能過問至粵省上岸似祇能在黃埔輪船停泊附近之處由粵省大吏酌定丹商前遞敝處稟稿亦未便照鈔轉致英廷以清界限

八年九月英法美德四國公使函總署請由上海至香港添設海綫並准華商入股總署查照上年大北公司原稟之議駁復並函知李鴻章鴻章復稱英領事壁利南持英使格維納函來謁亦商論此事已再四駁之夏間粵商議設陸綫接至香港原欲陰阻英人由港至粵添置海綫之議詎香港英人不准上岸陸綫因以中止茲英商乃欲添設海綫由港至滬亟應援例駁阻各使赴鈞署瀆求實由英商主議懲惡各國出爲扛幫聞香港至粵省水綫英商已經開辦擬請尊處密詢粵東督撫當援香港不准陸綫通岸之例設法阻擋彼自無辭自解也

十一月英署使照會總署稱同治九年四月英商稟請引電綫由上海迤南通商各口海底安設業經允准茲外部文稱英商已將綫索裝船開行即按照前准由上海達入通商各口海底安設等情總署據以函達李鴻章以此舉究與大北公司所設海綫有無關礙此事原係應允在先與現時請辦不同應如何駁辯俾無藉口鴻章復稱同治九年五月鴻章正督師陝西實未與聞鈞署議准英國於各海口水底暗設電綫之事是以上年津滬陸綫設成批准大北公司所稟以資聯絡去冬咸妥瑪在鈞署及敝處屢申前請鴻章面告該使既於同治九年商准何不及時興辦直至十餘年後大北海綫久成乃

復請添鴻章既允大北已成之綫即不便再允英商續添之綫此在敝處立言不得不爾茲各使先爲此事囑讀尙可以公法通例相抵拒英使援鈞署已允舊案復來聲請似與現時請辦不同然查各國公法各處電綫無論內地及沿海上岸之所皆係自主又訂明此路電綫若干年不准別公司再設此等約款合同各國亦所常有上年六月德國巴使致鈞署函內曾申明此語確鑿可證竊謂尊處宜函復格署使以十三年以前雖經議准而英商遲遲不辦至今日大北公司海綫已成與中國陸綫相通又經議准大北海綫獨設以伸我自主之權原係中國因時變通辦法其遲誤之咎實不在中國也自應由該使設法勸阻若英商必欲興辦上海迤南通商各口之海綫必須仍照前議綫端不准牽引上岸如有奸民損傷地方官不任保護抱定同治九年已允之語絲毫不可放鬆彼不過姑相嘗試別無詭謀似英商未必肯虛糜巨款或竟中止矣前緘屬盛道宜懷鄭道官應等議商與大北合辦由滬至港各通商口海綫昨據稟復歸併海綫尙是中策華商獨造旱綫方爲上策若准華商添設由滬至粵沿海陸綫成本較輕修理較易報費較省則海綫必衰英人將聞之奪氣即大北亦無所挾持是否可行併懇鈞署酌示即由鴻章轉飭華商妥辦俟有成議再行具奏是亦釜底抽薪息爭止沸之策也

同月鴻章復函報總署謂馬道十九二十日疊來兩電以英國東海電報公司將添設海綫請設法禁遏等因併鈔呈覽彼固不知此事商允在先未便峻拒也該公司商總英人敦約翰過津云其海綫已運到新嘉坡開春即將興工務祈諄屬閩粵蘇浙各疆吏仍照原議不准牽引綫端上岸多方阻難或冀中止鴻章一面密商盛道等招致華商集股接辦沿海陸綫以遏英商之謀而收中國自有之權利伏希留意總署乃照覆英使准其安設惟綫端不准牽引上岸

嗣盛宣懷等自滬電呈北洋大臣謂探聞英綫已裝思考脫船由新嘉坡開駛約臘初可到滬或到岸後即將綫頭在租界上岸或於岸邊置臺船開工安設大北洋人恐其一經動工便難中止情甚惶急云北洋大臣當即電致江海關道以總署雖有同治九年允英商設綫之案應照原議不准牽引綫端上岸地方官不任保護屬即設法勸阻鴻章據前情函報總署並稱伏查前奉鈔示同治九年五月初八日奏稿密諭內稱綫端祇准在船內安設即在沿海埠口向來停泊各洋船碼頭

之外近海處所停泊又稱威使函內云綫端不牽引上岸離口另設別法各等語即就上海而論其停泊洋船碼頭係在吳淞江洋涇浜內河距海尙遠若令於近海處所離口另設別法應在三四十里之外其餘南洋各口岸距海或數十里百餘里不等自應均照原議准在近海處所停泊綫船離口另設別法鈞署此次照覆格署使僅稱綫端不准牽引上岸語意稍涉渾含又二十六日函復格使聲明同治九年四月十九日原函係照威函離口另設別法等語辦理雖提明原議仍慮英人恃強鵲突過去竟將綫端牽引上岸或於租界岸邊安置臺船皆與原議不合黨聽其自便此事勢在必行可否再由尊處詳查同治九年三四月威使與鈞署往來原信將前項緊要關頭摘出叙明續致格署使令其勿違初議並鈔原信稿由六百里函屬蘇浙閩粵各省照此辦阻該商見事多阻難電綫不能近岸或者徘徊中止此係中國可以自主之權未便絲毫放鬆敬希迅速核辦至蒙諭華商接辦沿海陸綫杜外人之狡謀收自有之權利誠爲要著深願早日開辦無不同心維持等語具見權衡精當日來與盛道等往復電商據衆商集議約計由滬至粵經過通商各口岸綫共需本銀四五十萬兩與海綫並行目前未必有餘利且經閩粵各境民情刁悍須地方文武隨時開導照料粵督飭商開造由粵至香港陸綫以抵制英人水綫尙可會商接辦

十二月英署使格維納向總署面遞辯論綫端上岸七條總署函屬鴻章察酌駁復鴻章復稱英使七條語多狡執實係得步進步之計既承諭令察酌駁復當即督同津海關周道及道銜伍廷芳等查照各國通例成案詳晰籌議逐條辯駁並將同治九年威使與鈞署原議申切著明使之無可躲閃另錄一本呈核可否即照此稿酌量改正函送格署使轉飭遵辦昨據江海關邵道等電復已節鈔同治九年案函致稅司不准英商輪船搬運電綫上岸候領事來言再相機勸阻等語此時內外抱定原議辦理箭在絃上不得不發未便絲毫放鬆俟華商沿海陸綫開辦英人知此路海綫無利可圖或當變計前英領事壁利南與周道談及如沿海各口有華商陸綫英商當將水綫搬至別處安設雖係隱度之詞而鈞署與外間合力抵拒其勢殆將必出於此頃接盛道等電華商添綫已有成局又蒙函屬各省豫爲籌畫隨在照料益足鼓衆商之氣

同月鴻章函總署謂大東公司擬將水綫在大赤山對面海角上岸由浦東南匯川沙等廳縣之境做陸綫至上海約二十五英里計陸路將百里之遙顯與威使及鈞署不准上岸原議相背鴻章已電屬江海關邵道查案設法禁阻又據稱該國欽差在北京倫敦電商必要總署允准此次節略送去後格署使如再有辯爭必欲上岸似應援照西國通例凡所允之事六年內不開辦即作罷論以相抵制務懇堅持原議勿稍鬆勁

嗣鴻章又函總署稱接江海關邵道來電該道遵照同治九年鈞署奏定之案與英官辯駁甚爲有勁其欲請尊處轉行英使飭禁與格署使前遞七條內稱英商非預奉中國允准引綫上岸之定議斷不敢貿貿舉行等語意正相合可否摘叙電語並格使原文函屬該署使飭遵爲先發制人之計彼若在海面開工原非我所能禁若竟從黃浦江內或岸上做起是顯違原約貿然舉行鴻章故舉丁雨生前任滬道時已辦之事告之同治三四年間洋商請在滬設造電綫雨生駁阻不聽乃擅在浦東插木桿數十里雨生密令鄉民乘夜拔盡其事遂寢此以柔克剛之妙用此次議明官不保護即有此等情事彼固不能責問亦不能因此生衅蓋該使所稱不敢貿然舉行而擅行者其過不在我也前鈞署駁覆格署使七條節略所鈔寄劄剛星使儻倫敦外部議及更有依據矣

九年英商大東公司上海至香港水綫卒在上海大赤山對面之洋子角登岸並在甯波溫州廈門福州汕頭廣州各口設綫電報總局總辦盛宣懷與商於二月二十三日議立合同十六款候南北洋大臣總署及英使核准大東並電致其本國請示

附中英會議上海至香港電報辦法合同

一英國大東公司遵照同治九年原議安設上海海口至香港海綫一條沉於海底其綫端不得牽引上岸以分華洋海旱電綫界限

二英國大東公司若照同治九年原議應將其海綫之綫端置於臺船離口停泊現在中國電報局允請上海一處准

大東公司海綫做至洋子角爲止由水綫頭與中國旱綫頭相接洋子角在大赤山對面海邊

三中國電報局允由上海至洋子角稟設旱綫一條與大東公司海綫相接

四英國大東公司允許海綫祇能由洋子角一處直達香港大東公司總辦經稟明英國朝廷酌更前議不得設水綫至甯波溫州廈門福州汕頭廣州以及各海口

五中國電報局可將電綫自廣東通至香港地方與大東公司旱綫相接應照大東公司電綫至上海地方與中國電綫相接之例一律辦法

六中國旱綫至洋子角來去報費應照中國旱綫所定收費規例大東水綫至香港來去報費應照大東海綫所定收費規例彼此按月核結分畫清楚

七上海中國電報局現租旗昌石頭洋房一所除一半中國自用外分出一半作上海至洋子角旱綫洋子角至香港海綫機器報房中國電報局派一司賬坐駐電報房內專管洋子角旱綫報費每日賬目事宜門前懸掛中國洋子角旱綫電報局大東電報公司招牌如中國在香港設立電報局亦必照大東公司在上海之例一律辦法

八中國電報局所設由上海至洋子角旱綫如有損壞自必趕速修好此條旱綫中國必自己巡守妥當

九中國電報局由上海至洋子角設立旱綫必做雙綫接該處水綫電報之用

十以上所訂各條議於合同之日起以二十年爲限

十一中國及各國或上海口岸遇有海口封禁不測之事以及合同所未及詳載之事彼此均照萬國公法辦理

十二所有上海至洋子角中國旱綫電報費現與大東海綫相接議定香港至洋子角大東海綫所收歸報費一百分之九十五分洋子角至上海中國旱綫歸報費一百分之五分其算法按照萬國公例核算凡有彼此公務局報兩不計算

十三以上條款中國電報局由廣東至香港接綫與大東公司由上海至洋子角接綫一律辦法

十四中國電報局所租旗昌石屋一所以前面一半歸大東公司用以十年爲限每月房金如果是四百兩由大東貼還房金規銀二百二十兩所有工部局一切等費各半照派如果租價不及四百兩大東公司亦可照數均減

十五所有大東公司房租薪工電燈紙張筆墨等項費用均歸大東公司開銷所有看守旱綫以及修理旱綫之費均

歸中國電報局開銷

十六以上各條寫中英文字兩分由中國電報局總辦大東公司總辦定議簽名再請

上海關道台簽名蓋印詳送

中國南洋大臣 英國駐華大臣核准備案如有合同字義遇須辯論之處概以華文爲準

光緒九年二月二十三日

西曆一千八百八十三年三月三十日

時署北洋大臣張樹聲致函總署以滬電局盛道等與大東公司議立合同如英國回電允准似應速飭道局詳咨請賜核示已而宣懷電稟樹聲謂大東已得英國復電謂上海滬南各口岸九年已准現議並不便宜願仍以躉船進口或與丹綫接頭而各口內仍要福州汕頭兩口經再三力駁大東商人滕恩始密以實告謂英之不允實由威使必由英使到總署一議方肯甘心三月張樹聲錄盛宣懷電及合同底稿函告總署並云同治九年之議係威使所請今於此項合同必指爲失渠當日請得各權利滕恩所言似係實情格使至鈞署議此事時務乞堅持力駁使彼稔知不可動搖再由外間與英商相機挽回當可就緒盛道舉從前丹綫欲由福州至廈門曾致大閱以告滕恩雖係借已事說法却是閩粵民情頑悍實在情形即如去冬粵東辦通至香港旱綫增城等處鄉民迭次聚衆阻撓果知華綫將與英接通入內地滋事必至愈甚似皆可備辯論之資也謹照抄盛道來電及寄到合同底稿附呈鑒核仍望指示機宜俾有遵循未幾樹聲又致函總署云昨夜接盛兩電英廷求福州汕頭兩口之念甚堅如果不允欲將英綫硬進浦江上岸邵道與盛道商擬放鬆福州一口若果即就

範於事體尙無大礙與訪兩請通融之議相合否或因此決裂彼綫竟進口上岸更難爲收束之法樹聲已電飭該道等相度事機如可以堅持仍當勿變原議如必不獲已即將福州一口參活筆定局以免延捱愈久枝蔓愈多至丹商旱綫實英商爭端所自起少荃中堂相商會謂必須將丹旱綫收回此事方一了百了盛道議請鈞署速咨江閩飭拆照約辦理本題中應有之議上示加緊下與議合大北或轉而就我華公司買回之計冀易合輟而目前有飭拆一舉亦藉可以箝英口是否可行求迅賜核奪酌辦並望示知尋復報告大東尙肯從中挽回並催速行飭拆丹旱綫之議

同月宜懷稟樹聲云大東擬照原議加專條兩款其一福州兩處擇定一處離口設臺船安置綫頭仍聽總署核奪其二華綫仍到吳淞口與彼海綫相接不到洋子角大北擬照大東訂約已允將滬淞旱綫歸我中國亦照英綫在淞相接已做到收回旱綫權利英丹一律就範乞達總署候示遵照簽押會詳樹聲即函總署報告謂所加專條第一款雖放活福州兩口而綫端安置臺船始終與離口設法原議未溢累黍第二款仍舍洋子角而就吳淞口在我亦本無不利大北滬淞旱綫允我收回非鈞署咨行飭拆蓋未易使其迅速就我茲事辦到如此似已權利盡收有合於前奉鈞示所云面面俱圓者是否可令照此簽押會詳望速賜核奪示復以便電飭遵行總署復電照准

四月初一日總辦電報事務直隸候補道盛宜懷會同江海關監督蘇松太兵備道邵友濂江南洋務局總辦江蘇候補道王之春等與英國駐滬領事官許總辦大東電報公司滕恩續行簽訂上海香港電報章程六條

附中英續訂上海香港電報章程

中國電報總局
英國大東公司 會議訂立

一原合同第四條所載大東公司經理人允請總公司不設水綫至甯波廈門福州汕頭廣州以及上海海南中國各海口等語現因大東總公司雖請於福州汕頭兩處之中擇定一處離口設立臺船安置綫頭應聽中國總理衙門暨英國駐華大臣會議定奪倘中國電報局所引水綫至新加坡檳榔嶼兩處之中擇定一處離口設立臺船安置

綫頭亦必由中國執政與英國執政大臣會議定奪

二現因大東公司海綫頭已抵吳淞口急欲通報由中國電報局稟設上海至吳淞中國旱綫一條以接大東海綫綫頭不必再用洋子角接綫所有吳淞接綫辦法即照光緒九年二月二十三日所議洋子角接綫合同十六條一體辦理將來或雖仍歸洋子角接綫則吳淞之綫仍應拆去至於第十二條所載中國電報局旱綫報費如在洋子角相接應歸一百分之五分之五分如在吳淞口相接應歸一百分之二分五釐

三凡日本至香港及香港至日本電報經過上海吳淞旱綫中國電報局應照上海至香港電報費取百分之一分其中國各處往來外洋及外洋至中國各處往來電報費應取每百分之二分五厘

四中國電報局設置上海吳淞旱綫兩條與大東水綫頭相接所有大東通報事宜應由大東公司自己派人辦理

五中國電報局在吳淞海邊設立房屋將中國電綫頭與大東水綫頭相接以符原議而分華洋海旱電綫界限屋內另留住一間以便大東公司用人在吳淞辦理試驗及修理水綫之時可以居住

六如大東公司日後允將中國官電報往來歐洲讓費不取則大東所接上海吳淞旱綫亦可照大北公司所議報費一律辦理

大清光緒九年四月初一日

西曆一千八百八十三年五月初七日

大清監督江海關蘇松太兵備道邵

總辦江南洋務局江蘇候補道王

總辦電報事務直隸候補道盛

會辦電報事務儘先選用道鄭

會辦電報事務候選主事經

會辦電報事務國子監學正銜謝

大英駐紮中華上海領事官許

總辦大東電報公司滕

會辦大東電報公司直

十一年三月英署使函請總署謂大東滬港海綫擬在揚子江外大七山（即大赤山）相近之花鳥山北島接綫上岸總署函屬北洋大臣李鴻章妥籌答復鴻章復稱中國電局與英商大東公司明定章程原議上海一處准東司海綫做至洋子角爲止由水綫頭與中國旱綫頭相接洋子角在大七山對面海邊又續議因東司海綫頭已抵吳淞口急欲通報商由電局稟設上海至吳淞中國旱綫一條以接大東海綫頭不必再在洋子角接綫將來大東如欲仍歸洋子角接綫則吳淞之綫仍應拆去此盛道詳定界限似尙嚴密蓋英商海綫將來欲改往洋子角以避吳淞船隻損綫之弊或在意中也查閱海圖花鳥山距洋子角約一百二十里左右不通陸路今英使忽有此請似非爲侵奪利權起見適駐津英領事璧利南來謁詢其花鳥山設綫之意是否出於英廷抑係大東公司所爲該領事稱係外部主意大約爲英俄如有戰事俄則有大七山丹綫爲之傳電俄丹素暱大北公司向由俄保護恐臨時不肯代英傳電英亦必預備一處以通兵船消息等語查同治九年丹國在大七山設立報房綫端上岸過往船隻均可傳報前經滬電局詰問大北公司此綫何官准設據稱請問駐京丹使似並未預先訂明自行設立者今春大七山丹綫屢爲法國傳電即飭盛道電屬上海邵道派員往詰該公司不肯遵阻鄙見大七山既有丹綫上岸則花鳥山英綫上岸勢難駁斥該島孤懸海中不通陸路於華電局權利無損彼既爲俄事請設殷勤詢商似應暫准其海綫展至花鳥山北島設一電房以示敦睦但與議明俟俄事了結仍行拆去庶於通融之中稍有限制是否有當應請鈞處裁酌答復

總署照復英使在花鳥山設綫一事准爲暫時之舉俄事了結仍令拆去藉杜流弊而防效尤而英使照復稱俟往來船隻減撤應會同酌商總署據以函知鴻章鴻章復稱英船在中東洋面本無減撤之時引綫上岸准否由我自主亦無須與彼會商將來照覆內擬請申明原議俟海上無事仍即撤去較爲直截了當似不可作游移之筆轉滋口實又言歐署使頃令駐津領事璧利南來謁謂花鳥山海綫日內已即興工詢以何時撤去彼云此綫通巨磨島路長費重俟俄事定巨磨撤防可轉售中國告以巨磨孤懸海中距朝鮮與陽縣近三百里距仁川漢城八百餘里中國與朝鮮須設陸綫無需此海綫也璧知朝鮮覆英使文不許占據此島頗疑日俄嗾使鴻章謂朝鮮若許英占日俄必皆圖另占一處該國將成割據之勢朝固不得不力爭即中英素相親睦亦未便坐視不理璧謂目下不過暫駐但恐英船退去俄又來占且英俄即使議和難保他日無事此島實扼東海之衝須平時設法籌備窺其用意似爲久據之謀惟中國既未允行朝鮮又復堅拒俄日亦必有責言冀他日英俄行成或因衆怒難犯棄而之他亦未可知英國海軍實甲天下彼自知陸兵不能敵俄故欲以水師扼斷海參崴之吭而牽制阿富汗之勢即占此島實非覬覦朝鮮亦非窺伺北洋況朝鮮近患在俄與日而俄日畏英水師之強斷斷不敢倡視得英船橫梗於其間亦未始非朝鮮之屏蔽第此意未便明言中與朝若許英占必貽俄日以口實惟其不許他日俄日若欲分占我仍可暗結英以合力謀拒是在鈞署與駐英公使隨時操縱而聯絡之所謂不戰而屈人者也

光緒二十六年七月初十日電報局與大東大北兩公司訂立滬烟沽水綫合同第四款規定電局與兩公司或一公司前後所訂別項合同均展限至一九三零年底上項光緒九年二月二十三日及四月初一日所訂之合同亦展至民國十九年年底即西歷一九三零年底滿期

第三款 九港接綫

英國大東公司在香港對岸設陸綫至新安縣屬之九龍電報總局督辦盛宣懷與大東總辦滕恩磋商令其拆去九龍已

咸之陸綫我國陸綫展至英地九龍交界處與大東兩陸綫相接我租用其九龍陸綫及香港水綫設電局於港以收接電報光緒九年四月議定九龍香港陸路接綫合同九款

附中英會訂九龍香港陸路接綫合同

一中國電報局旱綫兩條展至英地九龍交界處與大東公司兩旱綫相接該兩綫與該公司兩水綫續連以便與香港通電

二中英旱綫相接之處應造磚屋一所內設一桌爲安設綫端之用

三中國電報局租用大東九龍旱綫香港水綫每字給報費英洋一分公報不敷報費其費賬目每月結清

四中國電報局在香港收遞大東公司轉寄粵省以及中國電綫所到之處諸報中國電報局在廣州以及中國電綫所到之處收接電報由大東公司轉寄者該報等報費惟中國電報局是問每月結賬一次

五中國電報局在香港與大東公司共一所房屋開設報房其租金歸大東公司收取

六大東公司之水旱綫由香港至九龍華界總須靈便通電如有損壞之處即行趕緊修理其費用均歸大東公司給發

七中國電報局與大東公司所有一切交涉事宜及爭論各事均遵萬國通例商議辦理

八此合同以一千八百八十三年五月七號爲始二十年期滿

九遇有爭論辯駁之處兩造遵照英文字辦理

此合同計抄六張內中意義俱係一樣

十二月滕恩將議定合同函送盛宣懷謂已蒙英國政府批准又云公司兩水綫均可引進貴港局安置由貴局自用報生司理機器總之本公司造設此水綫旱綫專爲貴局起見與貴局建造淞滬旱綫以便本公司之意一樣也宜懷復以貴公

司所擬九龍香港水旱綫打報交易九欸本局自應遵照辦理至第五欸載有本港局應與貴港公司在一屋內開設等語請閣下關照貴港總辦預備房間寬大便利於進出爲本局香港報房其租金與貴港公司所出租金一樣公道弟等再請閣下囑貴港總辦於香港九龍水旱綫遇有損壞等事迅速修理隨時留心使該綫無阻電之弊遵照第六欸辦理十年正月初四日雙方將合同簽字同日滕恩復致函宣懷云本公司總董董事等飭弟告知閣下今日所訂貴局廣東九龍旱綫與本公司港綫相接合同並不違礙抑或有礙於一千八百八十年李傅相所批大北公司所請數欸因該數欸之利權本公司已分得一半矣

按照光緒二十六年七月初十日電報局與大東大北兩公司訂立滬烟沽水綫合同第四欸之規定九港接綫合同應展至民國十九年底即西歷一九三零年底滿期

第四欸 福州海綫

光緒九年四月初一日電報總局與大東公司簽定合同第一條內開公司請於福州汕頭兩處之中擇定一處離口設立躉船安置綫頭聽總署及英使會議定奪等語嗣經議定在福州設綫而公司欲在白犬島山安設海綫頭並與華綫相接英署使迭次催促總署謂公司擬由白犬山再接水綫與金牌華綫相接如不願或五虎門或川石山皆可遷就總署拒之於七月兩告北洋大臣直督李鴻章並以盛宣懷係與公司總辦滕恩在滬原立合同之人屬轉飭宣懷赴閩商辦早日定議鴻章兩次函屬宣懷遵照妥辦並先撮叙大略電致宣懷宣懷覆云閩綫六月初與滕恩議定躉船泊川石山安置綫頭允將閩綫展至川石山設局不與接綫僅與轉遞每字收費二分已有函爲憑惟慮閩多疑議先馳函請示迨閩覆到而滕以巴使將至語多恃強答以此是兩公司約公使詎得強悍更改滕無言去近日見而不提格使所言白犬島接綫滕未說起滕意非巴使來不甘心欲速必喫虧赴閩一節容與滕徐商同行方妥徒去無益等語八月鴻章乃據以報告總署並